

## **Ngaju - Surat Barasih - Protection Scriptures**

**Hiskiel 3:18 - Yakobus 5:19,20 Pahari handiai! Amon aton oloh bara marak keton je dia hindai manumon ajar ain Hatalla, palus aton ije oloh beken je oloh mimbit oloh te haluli manalih Hatalla, 20 kelel mingat auh ayat toh; Oloh je mimbit oloh badosa hobah bara jalae je sala, oloh te manyalamat hambaruan oloh je badosa te bara pampatei tuntang mawi are dosa tau iampun. Hormat ikei, Yakobus.**

**Roma 12:21 Ela manalua arep keton impakalah awi taloh papa, tapi kelel pahari mampakalah kapapa mahapan kahalap.**

**Mazmur 143:8,10 - Yohanes 14:26 Tapi Roh Hatalla, Pandohop je akan inyoho Bapa huang arangku, ie te je kareh majar keton taloh handiai tuntang mampingat keton tahu taloh handiai je jari insanangku akan keton.**

**Mazmur 94:12 - Yohanes 16:13 Tapi amon Roh te dumah, ie te je mamparahan katoto tahu Hatalla, keton kareh ingagalan awie uka mangasene kakare katoto. Ie dia handak hakotak bara arepe kabuat tapi mansanan taloh je jari ihininge, tuntang ie kareh mansanan akan keton taloh je kareh manjadi rahian andau.**

**Paribasa 27:12 - 1 Korintus 10:13 Genep tingkes je buah pahari jete tingkes je puna kinjap buah oloh kalunen. Tapi Hatalla baketep dengan janjie. Ie dia handak manalua pahari iningkes labih bara kaolih pahari. Hong katika pahari buah tingkes, ie kareh manenga jalan akan keton uka manjadi abas mangat pahari tahan manyarenae.**

**Pilippi 2:15/16 Awi kalote keton mamparahan arep keton puna anak Hatalla je jaton bara kasalan, je belom dengan kabujur tuntang bujur atei hong marak oloh papa tuntang badosa. Tuntang hong katika keton manyampai akan ewen barita je mimbit pambelom, kelel keton manjadi oloh je sama kilau kalawa je paha-pahai mampalawa kalunen. Amon keton belom sama kilau te, kareh aton alasan akangku mangkeme tamam tahu keton hong katika Yesus Kristus dumah haluli. Jete buktie perjuangan ayungku dia hayang tuntang gawingku te aton hasile.**

**Yesaya 49:4 - Galatia 4:11 Aku meles angatku ela-ela kare kahekaku akan keton te hayang bewei.**

**Ibrani 13:21 Keleh Hatalla je upon kasanang te maharagapan keton hapan kakare taloh handiai awang bahalap je imerlu keton hapan malalus kahandak ayue. Keleh hajamban Yesus Kristus, Hatalla malalus gawie intu itah taloh je ingahandake. Keleh Kristus inara sampai katatahie! Amen.**

**1 Korintus 16:15 Pahari batantu kasene Stepanus dengan keluargae; ewen te oloh je pangkasolake manjadi oloh Kristen hong Akhaya. Ewen hapan salepah ateie bagawi baya akan mahaga ungkup Hatalla.**

**Pilippi 1:27 Nah, je mambatang metoh toh iete keton belom hakabuah tumon taloh je inuntut awi Barita Bahalap tahu Kristus te. Awi kalote, en aku tau hasondau dengan keton atawa dia, aku kareh mahining keton bulat segah**

**tuntang sama-sama berjuang akan ije tujuan bewei tuntang ije kahandak; iete akan kapercaya je hakabuah dengan Barita Bahalap ain Hatalla te.**

**1 Korintus 15:58 Tagal te pahari handiai je inyintaku, keleh keton abas tuntang dehen. Keleh bagawi harajur akan Tuhan dengan katoton atei, basa keton katawan taloh handiai je ilalus keton akan Tuhan, dia tau jaton gunae.**

**Kolose 4:12 Tabe bara Epapras. Ie te kea asale olah bara baris keton. Ie rewar Kristus Yesus, je harajur balakudoa kete-ketep akan keton. Ie balaku nyame-nyame dengan Hatalla mangat kapercayan keton impaabas tuntang keton toto-toto dehen, mangat hapan katinduh-karasih keton toto-toto mamenda kahandak Hatalla.**

**Yeremia 15:20 - Roma 8:31 Toh, en je koan itah tahuu kare taloh handiai te? Amon Hatalla omba pihak itah, eweh je olih malawan itah?**

**Yeremia 15:21 - Mateus 6:13 Ela ah manalua ikei nihau kapercayan ikei hong katika ikei iningkes tapi paliwus ikei bara kuasan taloh papa Ikau bewei Raja je kuasa tuntang hai tuntang katatahie, Amen.'**

**Mazmur 55:18 - 1 Yohanes 4:4 Tapi o anakku samandiai, keton toh olah ain Hatalla. Keton jari mampakalah kare nabi pananjaro, awi Roh je aton intu keton te labih hai kuasae bara kare roh je aton hong kare olah je ain kalunen toh.**

**Hiskiel 30:24 - Lukas 1:51 Hapan lengee je kuasa toto ie mamisah-darai olah balecak, tuntang mangacau kare rencana ewen.**

**Pangarinah 3:18 Tagal te aku manasehat keton mangat mamili amas dengangku, iete amas je tulen, mangat keton manjadi tatau. Keleh mamili kea dengangku pakaian baputi mangat keton hapakaian tuntang manutup ampin keton je halowai tuntang mampahawen. Tuntang keleh mamili kea tatamba mangat iohos intu matan keton mangat keton tau mite.**

**1 Yohanes 3:17 Amon olah je are ramoe mite paharie huang katapas, tapi dia maku mandohop paharie te, kilen ampie olah te tau manyewut arepe sinta Hatalla?**

**Yesaya 50:4 - Lukas 21:15 Aku kabuat kareh manenga akan keton kare auh tuntang kapintar-kaharati te, sampai ije biti mahin jaton bara kare musoh keton olih malawan atawa milim taloh je inyewut keton.**

**Epesus 6:10-12 Kalepahe haliae, keleh keton manjadi abas hapan kaabas je dinon keton bara kuasan Tuhan, awi keton ije dengae. 11 Keleh mahapan salepah pakakas perang je inenga Hatalla akan keton, mangat keton olih tahan malawan kare tirok papa ain setan. 12 Basa itah dia kalahi malawan olon, tapi malawan kaabas roh papa je manguasa langit.**

**Mazmur 18:39 - 1 Korintus 15:25 Kristus musti marentah harajur sampai Hatalla mampakalah kakare musoh Kristus palus mamenda Kristus.**

**2 Samuel 22:40 - Kolose 1:11 Keleh mahapan kuasa bara Hatalla je pangkahai te, keton impaabas sampai keton olih manyarenan kakare kapehe dengan sabar tuntang dengan sanang atei tuntang sambil**

**manyewut tarimakasih akan Bapa.**

**Mazmur 89:43 - Epesus 6:13,14** Tagal te, toh keleh mahapan salepah pakakas perang bara Hatalla, mangat hong andau je papa keton olih malawan kare musoh je manyarang. Tuntang mangat limbah keton hakalahi sampai kalepahe keton magon menteng bahanyi. 14 Keleh keton bajaga tuntang batawat. Keleh mangkepan kaketep dengan Hatalla kilau peteng kahang, tuntang kabujur atei kilau baju sanaman.

**Hiskiel 13:6 - Markus 13:22** Basa kare panyalamat pananjaro tuntang kare nabi pananjaro kareh dumah. Ewen kareh malalus kare gawi je malabien bara bahut tuntang kare taloh heran hapee mananjaro amon olih, anak ungkup ain Hatalla kea.

**1 Korintus 14:8** Ije sonto je beken tinai: Amon tarompet te impahiau barangai auhe, eweh je handak tatap tolak perang?

**Lukas 10:19** Keleh keton katawan! Keton jari inenga kuasa mangat keton tau mahunje handipe tuntang kala hayak mampakalah kare kuasan musoh, tuntang ije mahin jaton taloh je tau mancalaka keton.

**2 Korintus 7:10** Basa kapehen atei je ingahandak awi Hatalla kilau te mimbit kahobah atei je panyalamat. Tuntang olah dia akan manyasal tagal hal te. Tapi kapehen atei je bara kalunen toh jete kapehe je mimbit pampatei.

**2 Timoteus 2:25,26** Ie musti mahapan kalemo majar kare olah je rajin malawan; keleh Hatalla manenga katika akan kare olah te mangat hobah bara kare dosan ewen tuntang mangasene auh ajar je bujur. 26 Awi kalote ewen manjadi barendeng haluli, tuntang lapas bara jarat setan je jari manawan ewen tuntang mamaksa ewen ombo manumon kahandak ayue.

**Nehemia 4:15 - Gawin Rasul 5:38** Jadi dengan kajadian jetoh maka nasehat ayungku kalotoh: ela ih mawi taloh en-en taharep kare olah toh, nalua ih ewen. Basa amon ajar tuntang gawin ewen toh bara olon, maka ajar toh tuntang gawin ewen te kareh lilap.

**Mazmur 73:24 - Yakobus 1:5** Amon aton ije biti bara keton je tapas kapintar-kaharatie, keleh ie balaku jete dengan Hatalla, maka Hatalla kareh manenga kapintar-kaharati akae; basa akan gageneb biti, Hatalla manenga hapan kahias ateie tuntang hapan sintae tuntang asie.

**Yeremia 1:18 - as a defenced city, and an iron pillar, and brasen walls against evil**      **Yeremia 6:27 - as a tower & fortress**

**Mazmur 76:3 - God break weapons & battle**

**Lewi 26:19 - God break the pride of your power; & make heaven as iron, & earth as brass:**      **Lewi 26:37 - no power to stand**

**Deuteronomy 23:5 God turn curse into blessing**

**2 Raja 19:34 God defend**      **Yob 15:24 ready to battle**

**1 Kronika 12:8 fit for battle** 33,38 expert in war, keep rank in battle.

**Pastor T. Yohanes Franklin**

**Church of Salvation, Healing, and Deliverance**

**COS-HAD.org**